

**შპს „ივერია ქსელის“ ქსელში საერთაშორისო ზარის დასრულების მომსახურების  
შეთავაზების წინადადება (მოწვევის ოფერტი).**

წინამდებარე შეთავაზების წინადადება (ოფერტი) არეგულირებს „ივერია ქსელის“ ქსელში საერთაშორისო ზარის დასრულების მომსახურების პირობებს.

1. შპს „ივერია ქსელს“ საკუთარ ქსელში საერთაშორისო ზარის ტერმინაცია დაეკისრა კომისიის გადაწყვეტილებით, რომლის შესაბამისად ივერია ქსელი აღგენს ტერმინაციის პირობებს წინამდებარე მოწვევის ოფერტით და განსაზღვრავს, რომ

1.1. აქცეპტანტი ვალდებულია წერილობითი სახით მიაწოდოს ოფერენტს ინფორმაცია, თუ რომელი არხიდან განახორციელებს საერთაშორისო ზარებს (ყოველი ცალკეული არხების მაინდენტიფიცირებელი მონაცემების მითითებით). აქცეპტანტის მიერ ოფერენტისათვის მიწოდებული მონაცემების შესაბამისად (ანუ არხების საფუძველზე) განისაზღვრება ზარების ტარიფიცირების და დაბეგვრის ოდენობა. ამ პირობის გათვალისწინებით, აქცეპტანტი სრულად და ერთპიროვნულად აგებს პასუხს არხებში გამავალი ტრაფიკის იმ მოცულობის და ტარიფით დაბეგვრის სისწორეზე, რაც გათვალისწინებულია წინამდებარე ოფერტით. ამასთან, თუ ლოკალური ზარის გატარების არხში, მოხვდა საერთაშორისო ზარი იგი დაიბეგრება, როგორც საერთაშორისო ზარი.

1.2. ოფერენტი იტოვებს უფლებას, მასთან ან მის აფილირებულ პირთან, აქცეპტანტისგან შემომავალი ნებისმიერი სატელეფონო ზარი მიიჩნიოს საექსტრად (საერთაშორისო შემომავალი ზარის „A“ ნომერის დაფარვის, კორექტირების, შემოკლების, გადაკეთების ან სხვა ნებისმიერი „ფროდის“ გამოვლენის შემთხვევაში) და შეუჩეროს აქცეპტანტს ურთიერთჩართვა. აღნიშნული ექვსის თაობაზე ოფერენტს უფლება აქვს მიმართოს საქართველოს კომუნიკაციების ეროვნული კომისიას. ამასთან, ამ ოფერტის 3.2.8 პუნქტით გათვალისწინებული, ხელშეკრულების შესრულების საგარანტიო თანხით, დაიკმაყოფილოს ურთიერთჩართვის ხელშეკრულების დარღვევით მიყენებული ზარალი.

1.3. ურთიერთჩართვის მომსახურების მიწოდების სატელეფონო სადგურების ინდექსები, მისამართები და ურთიერთჩართვისთვის გამოყენებული ინტერფეისის აღწერილობა:

ივერია ქსელი (ზუგდიდი)

ასს-ის ინდექსი	მომსახურების მიწოდების მისამართი	ინტერფეისი
25	კოსტავას ქ. № 5	SS7, 703

## 2. მომსახურების გარიფები:

2.1 საქართველოში შემომავალი საერთაშორისო ბარის ურთიერთჩართვის (ბარის წამოწყება/დასრულების) მომსახურების გარიფი მოძრავი საკომუნიკაციო ქსელის ოპერატორის ძირითადი ქსელის საკომუნიკაციო ტერმინალურ ელემენტებთან დაშვებისა და ურთიერთჩართვის (სატელეფონო ზარების წამოწყების/დასრულების) საბითუმო ბაზრის შესაბამის სეგმენტებზე და ფიქსირებული საკომუნიკაციო ქსელის ოპერატორის ძირითადი ქსელის საკომუნიკაციო ტერმინალურ ელემენტებთან დაშვებისა და ურთიერთჩართვის (სატელეფონო ზარების წამოწყება/დასრულება) საბითუმო ბაზრის შესაბამის სეგმენტებზე შეადგენს:

ა) 0,12 აშშ დოლარის ექვივალენტს საქართველოს ეროვნულ ვალუტაში გადასახადების ჩათვლით - 1 წუთზე;

2.2. საქართველოში შემომავალი საერთაშორისო ბარის არაპირდაპირი, გრანზიტული გაგარებისთვის მომსახურების გარიფი, შეადგენს ერთი წუთი - 0.01 აშშ დოლარის ექვივალენტს საქართველოს ეროვნულ ვალუტაში დღგ-ს ჩათვლით. ოფერენტი იღებს მხოლოდ, ტრანზიტული მომსახურების გაწევის საფასურს, სხვა ფინანსური და იურიდიული საკითხები აქცეპტანტსა და მესამე პირს შორის რეგულირდება ოფერენტისაგან დამოუკიდებლად, ხოლო მათ შორის დავის შემთხვევაში (დავა, რომელიც ეხება გატარებული ტრაფიკის მოცულობას) ოფერენტის მონაცემები გატარებული ტრაფიკის მოცულობის შესახებ მიიჩნევა უპირობოდ სწორად. იმ ურთიერთჩართულ პირთან მიმართებაში, რომლებიც არ წამოადგენენ არაპირდაპირი ურთიერთჩართვის ხელშეკრულებას წერილობით, ტარიფი დარიცხული იქნება მესამე პირის ქსელში ზარის დასრულების მაქსიმალურ ზღვრულ ტარიფს დამატებული დღგ და 0.01 აშშ დოლარის ექვივალენტს საქართველოს ეროვნულ ვალუტაში დღგ-ს ჩათვლით.

2.3. ოფერენტთან არაპირდაპირი, ტრანზიტული ურთიერთჩართვის შემთხვევაში, მომსახურების სახიდან გამომდინარე აქცეპტანტი ფარავს ზარის წამოწყების ან/და ტრანზიტული მომსახურების საფასურს ან ზარის დასრულების ან/და ტრანზიტული მომსახურების საფასურს;

## 3. ქსელში ურთიერთჩართვის მსურველმა ავტორიზებულმა პირმა უნდა წარმოადგინოს განაცხადი, რომელიც უნდა შეიცავდეს:

3.1 წერილობითი განაცხადი უნდა შეიცავდეს შემდეგ მინიმალურ ინფორმაციას:

3.1.1 საფირმო სახელწოდება;

3.1.2 იურიდიული და ფაქტიური მისამართები;

3.1.3 ელექტრონული ფოსტის მისამართი, ტელეფონი და ფაქსის ნომრები;

3.1.4 წარმომადგენლობაზე უფლებამოსილი პირის სახელი, გვარი, მისამართი და საკოტაქტო ნომერი;

3.1.5 საქმიანობის სახეები რაზეც საქართველოს კომუნიკაციების ეროვნული კომისიაში (შემდგომში - კომისია) გავლილი აქვს ავტორიზაცია;

3.1.6 არსებული ლიცენზიები/ნებართვები და ნუმერაციის რესურსები;

3.1.7 ქსელის აღწერა;

- 3.1.8 სიგნალიზაციის ტიპი;
- 3.1.9 გამოყენებული ინტერფეისი;
- 3.1.10 საერთაშორისო ტრაფიკის სავარაუდო მოცულობა;
- 3.1.11 განსაზღვროს ცალკე გამოყოფილი არხი საერთაშორისო ტრაფიკის დასრულებისთვის.
- 3.1.12 მომსახურების სახეები, რომლის მიღებაც სურს;
- 3.1.13 წინამდებარე ოფერტის მიხედვით წარმოდგენილ განაცხადში დაფიქსირებული უნდა იყოს განმცხადებლის დასტური რომ იგი გაცნობილია, ეთანხმება და უპირობოდ შეასრულებს წინამდებარე ოფერტაში დაფიქსირებულ ყველა პირობას;
- 3.1.14 საკონტაქტო პირების სახელი გვარი და ტელეფონის ნომრები.
- 3.2 წერილობით განაცხადს თან უნდა დაერთოს შემდეგი დოკუმენტაცია:
- 3.2.1 ავტორიზაციის მოწმობის ასლი;
- 3.2.3 ამონაწერი სამეწარმეო რეესტრიდან;
- 3.2.3 წარმომადგენლობაზე უფლებამოსილი პირის პირადობის მოწმობის ასლი;
- 3.2.4 ნუმერაციის რესურსით სარგებლობის ნებართვა;
- 3.2.5 რადიოსიხშირული რესურსით სარგებლობის სალიცენზიო მოწმობის ასლი;
- 3.2.6 ხელშეკრულების შესრულების გარანტია, რომელიც გულისხმობს გამოუხმობად საბანკო გარანტიას ან ხელშეკრულების შესრულების საგარანტიო თანხას. საბანკო გარანტიად მოიაზრება საქართველოს კანონმდებლობის შესაბამისად მოქმედი ბანკის მიერ წარმოდგენილი ფულადი წერილობითი გარანტია, რომლის ძალითაც, გარანტიის მიმცემი თვითონ კისრულობს ვალდებულებას გადაუხადოს ფულადი თანხა ბენეფიციარს (ახალი ქსელებს), ამ უკანასკნელის წერილობითი მოთხოვნის შემთხვევაში. საბანკო გარანტია ატარებს სასწრაფო და უპირობო ხასიათს. საბანკო გარანტია მოწონებულ და დადასტურებულ უნდა იქნას ივერია ქსელისაგან. ხელშეკრულების შესრულების საგარანტიო თანხა – გულისხმობს, მსურველი პირის მიერ ივერია ქსელის ანგარიშზე ჩარიცხულ თანხას, რომელიც მოიაზრება ხელშეკრულებიდან წარმოშობილი ვალდებულებების შესრულების გარანტიად და იმ შემთხვევაში, თუ აქცეპტანტი არ დაფარავს ხელშეკრულებიდან წარმოშობილ ფინანსურ ვალდებულებას, ივერია ქსელს ეძლევა უფლება აქცეპტანტის მხრიდან ყოველგვარი წინასწარი თანხმობის გარეშე, დაიკმაყოფილოს მოთხოვნა საგარანტიო თანხიდან. ხელშეკრულების შესრულების საგარანტიო თანხა ატარებს სასწრაფო და უპირობო ხასიათს.
- 3.2.7 მსურველი/ურთიერთჩართული პირი ვალდებულია განაცხადში მიუთითოს ერთი თვის განმავლობაში სავარაუდო ტრაფიკის მოცულობა. საბანკო გარანტიის და ხელშეკრულების შესრულების საგარანტიო თანხა უნდა შეესაბამებოდეს აქცეპტანტის მიერ ივერია ქსელისათვის 2 (ორი) თვის განმავლობაში გადასახდელი თანხის ოდენობას.
- 3.2.8 მსურველი/ურთიერთჩართული ავტორიზებული პირი ვალდებულია უზრუნველყოს წარმოდგინოს ხელშეკრულების შესრულების გარანტია 4000 (ოთხი ათასი) ლარზე, თითოეულ გამოყოფილ არხზე საერთაშორისო ზარების დასრულებისათვის.
- 3.3 3.1.10-3.1.11; 3.2.6-3.2.8; პუნქტებით გათვალისწინებული დოკუმენტაციის წარმოდგენა აუცილებელია იმ ავტორიზებული პირებისათვის, რომელთაც ივერია ქსელთან არ ჰქონიათ სამართლებრივი ურთიერთობა წინამდებარე ოფერტით გათვალისწინებულ მომსახურების მიღებაზე ან წინამდებარე ოფერტით გათვალისწინებულ მომსახურებაზე ადრინდელი სახელშეკრულებო ურთიერთობებიდან გამომდინარე მსურველი პირი არ ან არაჯეროვნად ასრულებდა ივერია ქსელის წინაშე ნაკისრ ვალდებულებებს და ურთიერთჩართული პირებისთვის, რომლებიც სარგებლობენ

საერთაშორისო ზარის დასრულების მომსახურებით. იმ შემთხვევაში, თუ ივერია ქსელისათვის ურთიერთჩართული ოპერატორი, ხელშეკრულების მოქმედების განმავლობაში დაარღვევს ანგარიშსწორების ვალდებულებას, ივერია ქსელი იტოვებს უფლებას, მოსთხოვოს ამ ოპერატორს 3.2.6-3.2.8 პუნქტებით გათვალისწინებული ხელშეკრულების შესრულების გარანტიის წარმოდგენა და ეს უკანასკნელი ვალდებულია 3 სამუშაო დღის ვადაში წარმოადგინოს მოთხოვნილი გარანტია.

3.4 იმ შემთხვევაში, თუ მსურველი პირის მხარეს არსებობს შეუსრულებელი ფინანსური ვალდებულება ივერია ქსელის წინაშე, იგი ვალდებულია დაფაროს არსებული დავალიანება, წინააღმდეგ შემთხვევაში მისი წერილობითი განაცხადი არ ჩაითვლება მიღებულად და შესაბამისად ივერია ქსელის მხრიდან არ წარმოშობს არანაირ ვალდებულებას გააფორმოს მასთან ხელშეკრულება წინამდებარე ოფერტის შესაბამისად.

3.5 იმ შემთხვევაში, თუ წარმოდგენილი წერილობითი განაცხადი არ აკმაყოფილებს 3.1. და 3.2 პუნქტებით გათვალისწინებულ მოთხოვნებს ან/და ოფერენტის აფილირებულ პირს, აქვს დასაბუთებული ეჭვი ურთიერთჩართვის მსურველი პირის სატელეფონო ზარის კანონიერებასთან დაკავშირებით, მსურველ პირს 4 სამუშაო დღის ვადაში ეცნობება ამის შესახებ და ამ შემთხვევაში 3.6 და 3.7 პუნქტებში აღნიშნული ვადის ათვლა არ დაიწყება. ვადის ათვლა დაიწყება მხოლოდ დოკუმენტაციის სრულად წარმოდგენის შემდგომ ან/და ვიდრე არ დადგინდება და არ გამოირიცხება ყოველგვარი ეჭვი მსურველი პირის შემომავალი ზარის კანონიერების თაობაზე. შესაძლებელია, მხარეთა შორის ხელშეკრულება გაფორმდეს 3.2.6 პუნქტით გათვალისწინებული ხელშეკრულების შესრულების გარანტიის წარმოდგენამდე, მაგრამ ამ შემთხვევაში ხელშეკრულება ძალაში შევა მხოლოდ აღნიშნული გარანტიის ივერია ქსელისათვის წარდგენის დღიდან.

3.6 იმ შემთხვევაში, თუ განაცხადი შედგენილია 3.1. და 3.2 პუნქტებით გათვალისწინებული მოთხოვნების დაცვით, მაგრამ მოთხოვნილია წინამდებარე ოფერტისგან განსხვავებული ურთიერთჩართვის განხორციელების პირობები, ივერია ქსელი 5 სამუშაო დღის ვადაში შეისწავლის განაცხადში მითითებული სქემით ურთიერთჩართვის განხორციელების მიზანშეწონილობას და აცნობებს მსურველ პირს.

3.7 3.6 პუნქტით გათვალისწინებულ შემთხვევაში, თუ შეუძლებელია ურთიერთჩართვის განხორციელება განაცხადში მოთხოვნილი სქემის მიხედვით, მიიჩნევა რომ განაცხადი არ აკმაყოფილებს წინამდებარე ოფერტის პირობებს და 3.8 და 3.9 პუნქტებით გათვალისწინებული ვადის ათვლა არ დაიწყება. ივერია ქსელი შესაძლებლობების ფარგლებში შესთავაზებს მსურველ პირს ალტერნატიულ ვარიანტს, რაზეც მხარეები შეთანხმდებიან დამატებით. ურთიერთჩართვის განხორციელების სქემის შეთანხმების შემდგომ, მსურველი პირი ვალდებულია ხელახლა მიმართოს ივერია ქსელს განაცხადით.

3.8 3.1 და 3.2 პუნქტებით გათვალისწინებული მოთხოვნების დაცვით შედგენილი განაცხადისა და დოკუმენტაციის ჩაბარებიდან 5(ხუთი) დღის განმავლობაში მსურველ პირს გადაეცემა ურთიერთჩართვის ხელშეკრულების პროექტი ან ელექტრონული სახით გაეგზავნება მის მიერ მითითებულ ელექტრონულ მისამართზე. მსურველი პირი ვალდებულია 5(ხუთი) დღის ვადაში ელექტრონული სახით გაუგზავნოს ივერია ქსელს შესაძლო შენიშვნები ხელშეკრულების პროექტთან დაკავშირებით. ივერია ქსელი შემდგომი 5(ხუთი) დღის განმავლობაში უგზავნის ხელშეკრულების ხელმოწერილ ეგზემპლარებს მსურველ პირს. მსურველი პირი ვალდებულია 5(ხუთი) დღის ვადაში ხელშეკრულების მისი მხრიდან ხელმოწერილი ეგზემპლარი გადასცეს ივერია ქსელს, წინააღმდეგ შემთხვევაში მიიჩნევა, რომ წინამდებარე ოფერტაზე აქცეპტი არ

განხორციელებულა და ივერია ქსელსა და მსურველ პირს შორის სამართლებრივი ურთიერთობა არ არსებობს.

3.9 მხარეები ვალდებულნი არიან ზედმიწევნით დაიცვან 3.8 პუნქტით გათვალისწინებული ვადები და განაცხადის წარმოდგენიდან 20(ოცი) დღის განმავლობაში გააფორმონ შესაბამისი ხელშეკრულება.

3.10 იმ შემთხვევაში, თუ მსუველი პირის მიერ განსაზღვრული სავარაუდო ტრაფიკი ხელშეკრულების მოქმედების განმავლობაში გაიზრდება (ან გადააჭარბებს განაცხადში დაფიქსირებულ ტრაფიკის ოდენობას), იგი ვალდებულია პროპორციულად გაზარდოს ხელშეკრულების შესრულების გარანტია (საბანკო გარანტია ან ხელშეკრულების შესრულების საგარანტიო თანხა).

3.11 ყველა ურთიერთჩართული ავტორიზებული პირი, რომელიც უკვე სარგებლობს საერთაშორისო ზარის ოფერენტის ქსელში დასრულების/ტერმინაციის მომსახურებით, ვალდებულია მიმართოს ოფერენტს წერილობითი განაცხადით, სადაც მითითებული იქნება 3.1.10-3.1.11 პუნქტით გათვალისწინებული ინფორმაცია და უზრუნველყოს ხელშეკრულების შესრულების გარანტიის წარდგენა წინამდებარე ოფერტის 3.2.6-3.2.8 და 3.10 პუნქტების შესაბამისად. თუ 2017 წლის 01 ივნისამდე, რომელიმე ავტორიზებული პირი არ განახორციელებს/არ დააკმაყოფილებს წინამდებარე ოფერტით განსაზღვრულ პირობებს (მათ შორის, არ გააკეთებს უპირობო აქცეპტს), ოფერენტი უფლებამოსილია დაუყოვნებლივ შეწყვიტოს/შეაჩეროს ასეთ ავტორიზებულ პირებთან არსებული ურთიერთჩართვის ხელშეკრულებები/ურთიერთობა.

#### 4. ანგარიშსწორების პირობები

4.1. მხარეებს შორის ანგარიშსწორება წარმოებს ყოველთვიურად, გაწეული მომსახურებების შესახებ საოქმო გადაწყვეტილების საფუძველზე, საანგარიშო თვის მომდევნო თვის 15 რიცხვამდე. საოქმო გადაწყვეტილებაში აღნიშნული უნდა იყოს მომსახურების სახეები, გრაფიკის მოცულობა წამობრივი დამრგვალებით, მხარეთა კუთვნილი თანხები.

იმ შემთხვევაში, თუ მხარეებს წარმოდგენილ მონაცემებს შორის დაფიქსირდა სხვაობა და ეს სხვაობა არ არის 1.5%-მეტი, მხარეებს მიერ მისაღები თანხები აღიარებულ იქნება ბილინგის ურთიერთმონაცემებზე დაყრდნობით, ხოლო იმ შემთხვევაში, თუ მონაცემთა სხვაობა 1.5%-ზე მეტია, ანგარიშსწორება მხარეებს შორის იწარმოებს ორმხრივად შეთანხმებულ არასადაო ნაწილზე. სადაო ნაწილზე მხარეები აწვდიან ერთმანეთს სასადგურო ჩანაწერებს. სხვაობის მიზეზის დადგენის შემთხვევაში მხარეები 5 სამუშაო დღის განმავლობაში ახორციელებენ გადაანგარიშებას შეთანხმების ოქმის საფუძველზე. იმ შემთხვევაში, თუ მხარეები ვერ მიაღწევენ შეთანხმებას, მხარეები მიმართავენ საქართველოს კომუნიკაციების ეროვნულ კომისიას ან/და სასამართლოს. ანგარიშსწორების ვადის გადაცილების შემთხვევაში, „ოფერენტს“ აქვს უფლება დააკისროს მეორე მხარეს პირგასამტეხლო გადასახდელი თანხის 0.1%-ის ოდენობით ყოველ გადაგადაცილებულ დღეზე.

5. საერთაშორისო ზარების დასრულების მომსახურების ოფერტა ძალაშია გამოქვეყნების დღიდან და მოქმედებს 2017 წლის 31 დეკემბრის ჩათვლით. თუ ოფერენტმა ვადის გასვლამდე არ შეიტანა მასში ცვლილებები, წინამდებარე ოფერტა გაგრძელდება ავტომატურად ყოველი მომდევნო 6 (ექვსი) თვის ვადით.

დირექტორი

ირმა დგებუაძე